

晚晴移詩匯

晚晴謔詩匯卷九十六目錄

秦瀛 九首

孫文煥 一首

宗聖垣 三首

李維寅 六首

師範 七首

任逢運 一首

孫先振 三首

程尙濂 十一首

尹廷蘭 三首

高文照 六首

吳蘭庭 三首

徐元英 三首

周錫涓 二首

陸藝 二首

沈峻 五首

孫玉庭 二首

吳錫麒 十三首

徐如樹 三首

盧遂 二首

范來宗 二首

曹錫齡 一首

李廷敬 三首

汪如藻

二首

李蘧

一首

王念孫

四首

顧宗泰

五首

汪輝祖

二首

趙鈞彤

二首

周錫溥

四首

朱恆慶

一首

蔣知讓

三首

殷希文

二首

鍾廷瑛

二首

宋鳴璜

一首

薛稻孫

四首

袁文典

一首

晚晴移詩匯卷九十六

徐世昌

秦瀛字凌滄號小峴無錫人乾隆甲午舉人丙申召試

授內閣中書官至刑部侍郎有小峴山人集

詩話凌滄承蒼峴家學故以小峴自號因以名其集
獻賦行在獨知賦題出處得蒙賞拔以舍人值樞密
出領監司歷浙湘粵諸省三陟貳卿數歷所至山水
留題賓朋酬接輒形諸歌詠從容和雅具見承平文
盛物之

送友之金陵

南朝一片月只在板橋西樓笛隔江起宮鴉何處棲故人
自茲去今夜宿青溪孤枕應無寐秣陵秋已淒

水閣

欲雨不成雨涼陰生四圍溪雲浮閣動沙鳥入門飛身世

此無事乾坤聊息機
漁歌傳別浦柳外一船歸

金鼓洞

窈窕出古洞洞壑復森沈
不聞金鼓響樵斧在遠林
清風竹間至蒼苔滿秋陰
白日忽高下碧雲無古今
孤花媚寒澗幽樹悅眾禽
當其萬籟寂自得山水音
忘言聽磐石雪乳流衣襟

江上有懷

江波如此深此是故人心
攜我江邊夢聽君膝上琴
調高風易斷音苦月先沈
太息廣陵散相思楓樹林

興桓道中奉寄家叔父平涼

紫塞秋深木葉紅一年離思逐崆峒
亂山匹馬燕雲北古郡斜陽隴水東
雁影遙連沙磧暮笳聲寒起戍樓空
焚香

簾閣多清暇，應有音書寄北風。

爲槎客題小桐谿山館圖

山人著書好家住，小桐谿嵐氣穿林合。松陰與屋齊看雲，孤鶴過傍渚一禽。嗚白髮吾將隱，尋君共杖藜。

松寥閣

高閣層崖上，披雲坐翠微。嵐光留佛住，松色挾江飛。獨此飯香屑，寂然生道機。恩恩又城市，還未著僧衣。

聞賣花聲

一架茶蘼映畫屏，賣花聲裏夢初醒。渾忘八十年光近，還似兒童枕上聽。

渡黃浦至平湖

春申浦口午潮生，及到斜陽潮始平。風便東湖挂帆去，弄

珠樓上笛三更

孫文煥字有堂綿州人乾隆甲午舉人歷官貴州糧儲道有海櫻山館詩鈔

邳州晚眺和鄧居仁韻

綠雲彌望水迢迢澤國秋殘木未凋柳色全迷村市暗河聲直下海門遙白門煙雨供憑弔黃石功名付沈寥碧水自流人自去更誰指點授書橋

宗聖垣字芥颿會稽人乾隆甲午舉人歷官雷州知府有九曲山房詩鈔

書王太守平山堂宴集詩後

古蔭堂開大雅傳蜀岡風景重名賢紅橋愛看初三月碧椀新嘗第五泉小杜難忘歌吹路右軍仍在永和年暮春

良會同修禊眞賞樓頭奏管絃

揚州晤童北硯因懷二樹

過客停橈訪故知欣然把手慰調飢紅橋一水沿城郭白
髮三年悵別離夢草定應懷舊句畫梅畢竟愛連枝聞君
近作西堂約花萼春風會有期

晤袁薌亭先生

紅豆村中認故人特施一榻且容身重游祇覺青山舊先生
曾守肇慶久別相看白髮新似水宦情何況老生花筆意不關
春快心聞道隨園叟鬢鑠今年已八旬

李維寅字春旭號欽伯大興人乾隆甲午舉人歷官龍

州同知有廉餘詩集

詩話欽伯自學錄今廣西義甯勸墾學捕治妖僧
擢收左州西隆苗變募勇禦寇開隆愛山解册亭園

送著戰績歷攝宣化養利永甯全州河池諸州縣遷
龍州同知居官二十年不名一錢染瘴而卒生平高
朗伉爽詩如其人

舟中懷紀小癡

幽人耽朝眠楫師惜清曉輕風帆
鏜鏘遙村挂參昴冥蒙
衣上雲罨藹煙中篠延緣度溪灣
閑爽見晴昊春波魚尾
莘旭日雉鳴鷺眷茲物華妍
悵彼知音杳抱琴期不來
深杯爲誰倒

由鹿砦至蘭麻嶺

客袂吹山風雲容寫清鏡絕澗旣
乘桴單椒復尋磴孤城
面巉巖其下明汀滢錦石紛璘玢
芳田互緯經文鱗潛可
數暮翼歸相命白雲陡欲升
翁若饋炊飯似聞豕出
繒已見林垂暝循帶警
早寒衝煙取微徑何處
蘭麻嶺松梢落

疏磬

銅鼓歌

著雍溇灘月過午我官宣化獲銅鼓村人百指昇升堂寶
氣騰騰籠一府爲言耕耨萬山中夜半風霆嘯荒圃一鋤
忽落一甌跳甌瞥飛空鋤缺腐坤維震盪雲根頽萬綫霞
光出深土神物乍見驚牛羊公裘同獻陳樽俎傳觀愧比
厓還珠欲捫先愁指畫肚虛中頑下微束腰徑二尺強高
尺許規平鏡面突麝臍十二蟾蜍餘六五水沙剝蝕體漸
輕乾坤陶鑄年幾所血斑厯落投蜥蜴翠蘚爛碎鸚鵡
上文雲云下雷同彫刻龍蛇雜亞斧羌無篆籀識歲月誰
憑色相辨今古我聞苗民守重器犴鳥獐花都老主婚喪
盟會置酒羊庭前敲折金釵股流傳禮器譌兵器紀代標

名無乃魯大日伏波小諸葛鑿空何異周庭瞽伏波馬式
傳駱越不聞鑄鼓配銅柱諸葛行軍未到粵敗鼓甯遺魚
復浦紛紛記載辭無根靈鼉一吼喑不語昔日金公撫西
粵曾向節樓樹崇虞三過孰曉鐻節五聲無當滕薛譜
莫教師旅率征人差堪琴瑟迓田祖弗鼓弗考我心戒大
鳴小鳴勁氣沮笑謝村農寶什襲醉詠詩歌狂搏拊韓潮
蘇海不可作伐鼓淵淵人起舞

柳州道中

野草無情碧斜陽向客紅亂山藏虎氣匹馬入松風悵望
長安遠嶽巖世路同古來多謫宦曾此歎途窮

漢江

漢陽新漲布帆輕檢點郵籤問水程雲外好山如我瘦江

邊孤月與人清，煙波到眼知行色。
雞犬離家有故情，初向天涯嘗遠別。
夢回觸忤櫂歌聲。

送湛上人之剡中

沃州自昔擅談空，尙有旃檀聞逆風。
一櫂獨尋秋磬去，六朝山色雁聲中。

師範號荔扉，雲南趙州人。乾隆甲午舉人，官望江知縣。

有金華山樵集

詩話荔扉詩，個強自喜，不屑屑字句間法。梧門稱之曰：負聲若折鐵，拙筆如縑絲。

晚抵汶上縣

肅肅賦宵征，迢迢汶上城。
疏林殘雪影，古寺夜鐘聲。
歲晚愁行役，年衰減宦情。
萍蓬歎流轉，徒戀此虛名。

揚州雜詩

容易消魂是此州杜樊川去跡仍留繁花落地香猶活翠
竹臨波影共修新水一篙通板渚溼螢千點隔迷樓錦帆
至竟成何事潮打雷塘土半邱

廿四橋邊跡已塵幾家園館互爭新林巒出沒難爲畫山
水零星亦可人地夾江淮據形勢土兼南北見精神雨絲
風片嬌無那誰起王郎賦冷春

雨泊聞笛

丹陽河窄水齊腰客路停篙繫石橋船內笛聲船外雨一
鐙紅照可憐宵

轉斗灣紀事

昨泊轉斗灣日猶未卓午同端抱圓沙宿鷺起前渚七旬
船中居蹢躅弗自主上岸豁煩襟村墟近可數胡爲好門

閭十室已逃五道旁白鬚翁又手向我語是本繁庶區兩
次遭賊侮猴年夏四月東阡正種黍誼聲西北來羣狼附
哮虎民房與神祠一炬成焦土剩此殘病軀餘盡供刀俎
金帛皆席捲害更及商賈百里無雞豚千家斷礎杵承平
已三世乃忽遭痛楚宵寒鬼哭多呼兒或呼父勸翁且無
悲共坐吾告汝天子今聖神制帥仁且武實政發實心下
飭州縣府間有諸不逞籌勦亦籌撫秋禾卽欠收野蔬猶
可煮尙勿輕流亡妄向山林聚誰能撤丁男誰能絕宗祖
鑿井耕爾田謀生莫辭苦翁起喘而嗽喃喃杖頻拄若果
如官言萬事可復古茲創總傷心西去淚如雨歸舟對青
鐙詩成月初吐

題蹴踘圖

青巾黃袍者宋藝祖對而蹴踘者趙中令
衣紫者邇太宗居太宗之下者則石守信

巾垂於前者黨進年
少青衣者楚昭輔

尺幅淋漓足生意寫出開寶年間事開寶君臣好身手政
平往往共游戲笑語聲疑聞九天祥雲護衣日照地絕技
甯輸曹子桓餘風直到宣和帝黃袍一加十國淨玉斧偶
揮六詔棄龍行虎步果英物兄終弟及留祕記半部書傳
趙韓王雙圈眼識黨太尉惟石暨楚皆可兒回軍都與陳
橋議散錦團花極飛揚趕星捉月分向背頭籌奪得爭歡
呼么膺亦可關神器君不見一毬起一毬落兩旁觀者俱
不弱五朝八姓如奕棊倉卒李鷓連郭雀習勞甯厭筋力
痛投石超乘終嫌粗鬚眉願盼森欲活媿美成周無逸圖
十七夜對月

豈意中天月翻於此夜看山從一更吐秋已半樓殘漸覺

清輝滅誰憐瘦影寒懷人心正切不敢再憑欄

任逢運字太初號午橋聊城人乾隆甲午舉人官將樂知縣有憶存稟

鉛山道中

風雨南屏道崎嶇石罅行人煙連浦樹水碓雜灘聲山邊溪多曲雲低雨易成鵝湖何處是憑弔遠含情

孫先振字岳庭善化人乾隆甲午舉人官隆平知縣

清風峽

一磴盤旋入翠微晚來煙靄合雰霏四山風雨龍初出百尺松杉鶴獨飛幽谷稍聞樵唱發中峯時見寺僧歸藥苗新長黃精盛擬辦長鏡與短衣

岳麓寺

碧蘚蒼苔路幾重
禪關終日白雲封
定中老衲鬚眉古
春盡深山草木濃
百丈寒流朝洗鉢
數聲空翠晚鳴鐘
六朝風景虛岑寂
賸有巖前一樹松

抱黃洞

幾度雲峯策杖過
傳聞遺蛻此山阿
虛壇晝靜鳴樅檜
古洞春深長薜蘿
千歲猿猱緣樹上
一羣麋鹿出山多
丹池藥鼎今陳迹
笙鶴飄飄竟若何

程尙濂字敦夫號息廬永康人乾隆甲午舉人官隄爲

知縣有心吾子詩鈔

吳穀人曰斂之而益肆縱之而愈醇不沈醴以病辭
不漫誕以傷理以爲太白殆神似焉而且掇阮公之
雋則太白之濫觴出兼長

吉之奇則太白之支流也
詩語息廬詩不一體五言擬古百餘篇乃極經意之
作七言縱橫動盪吳穀人祭酒謂其神似太白然思

力鑿刻又近東野集中讀東野詩云盤硬瘦難嚼茹
冰寒不漸稜稜太古鐵噤痒不可支神蚪化纖鱗中
有千之而又題黃仲則詩云青天一氣鎔鑄爲奇
人代興間起爭輪困厚薄視魄疆視力不歷此境烏
能神皆道出甘苦近體
神鋒雖僞尙未深造

擬古

物生任自然道在因其利治水禹何神行之以無事靈蠢
萬不齊本難道里計因物而付物尙毋鑿以智酒醴與鹽
梅和羹賴調劑熊以食鹽死獺以飲酒斃鹽酒甯鳩毒彼
固非其類稟或狂猥殊克亦剛柔異治齟乃割脣膝癢竟
搔背柄鑿本不入參商復何怪膠柱眞徒勞疇爲決聾聵
弗作病中譖弗作夢中囁至人有心鏡迎機在神契探微
及秒忽翊翊忽如畏

木折必通蠹牆壞必通隙患氣中忽微轉瞬已紛積積柔

能洞堅剝若霽穿石補救已末由空勞拔山力智士能燭
幽小恙若大敵密率相乘除其幾不容息滋蔓胡可長根
株亟剝剔

浮生忽如寄轉瞬卽幻相世變相乘除因之成習向皓月
湧銀濤天風爲鼓浪落日挂遙峯紫綠忽萬狀變滅無定
蹤于何窺巧匠拘儒困圭角狂士苦奔放大道無多求云
胡墮塵障希夷自太虛清風爲搖颺翹首大羅天疇參無
上上

海上

海上仙人唾作花腰垂文綬玉琳華白鸞翅滿蓬山雪未
鯉鱗開閩苑霞一自丹泥蟠石鼎幾勞絳節駐雲車歸來
笑指紅桐樹可有靈根出露芽

題聽之詩卷後

晴絲一縷颺春空，弱弓纖繳乘微風。瞥然驚若秋隼擊，鬼
彈中人瘡如墨。驂騎生馬踏層冰，尺八短劔萬人敵。大弨
五石爲誰彎，寂寞網絲空挂壁。

寒夜吟爲吳貞母賦

寒雞歐歐天欲明，街頭亂沸蝦蟆聲。更軋軋，緯蕭竟通昔紡
軋，滑汰無觚稜。一升米一尺布，斧冰作糜與兒哺。十指皸
瘃裂如鋸。

柳如是

君不見韋節度，枇杷花底招紅裙。又不見韓蕘，王青樓女
作娘子。軍胡爲乎黃門高義竟，持正閉關謝卻河東君。求
凰不異瞻烏苦鶯儔，燕侶誰爲羣。四海茫茫竟何託，火中

蓮葉霜中筠茹蕖空自苦食蓼空自辛蹇修乃憑狎客致
且親風雅辭囂塵已焉哉鯨不累子朱不累父由來白璧
惟自完遇人不淑烏能污綠珠碎身金谷樓婁妃畢命黃
家渡嶙峋大節炳汗青鳴咽幽懷更誰訴絳雲樓高高插
天卽屠卽佛三生緣早知節義君難荷但取文章亦可憐

落拓

落拓閒居賦蹉跎感遇詩勳名元豹隱心事白鷗知伴食
無名指虛文沒字碑鴻冥兼螻屈鱗爪漫之而

送別吳亞白旋里

君行感牢落風雨此扁舟一棹竟流水千峯生暮愁江聲
隨夢遠雲影與天浮歸及梅花放孤山最上頭

余亦栖栖者天涯尙滯淫每聞煙鶴唳時作水龍吟梗泛

構中斷材驚爨下音名山誰不負爲爾一登臨

秦夫人硯歌爲雲楣賦

秦夫人良玉將略具詳本傳其檄書章奏皆自爲之世罕

知者爲武功掇也陳子雲楣謁夫人祠墓作長歌

甲之嗣孫懷庭報以夫人所遺硯雲楣屬題爲賦

秦夫人眞將軍將軍能武兼能文白桿縱橫萬人敵奇功
書作垂天雲生小學書仍學劔草檄飛章留一硯片石眞
同玉帶生血染隄麋淚如霰一出平播州再出殲奢酋河
山破碎箭滿眼乃欲孱婦補此已缺之金甌督師早以蜀
爲壑中丞已入賊之橐請纓則易借箸難萬夫之雄一箇
弱孤軍慷慨先勤王努力撐拄支危疆平臺召對誠僅事
況復宸翰垂煌煌雲楣居士拜祠廟古木荒煙一憑弔感
爾高歌泣鬼神瓊瑤竟效投桃報硯修七寸廣半之古製

日
日
乘
言
語
卷
之
一
一
渾渾森角圭惜哉將軍遺墨盡煨燼巋然此硯獨與名山
垂我來爲爾摩挲久虹氣猶疑貫星斗木蘭從軍甯復論
紛紛列女誰能偶聖朝史筆何嶙峋特標一傳褒殊勳硯
平視平萬古不朽齊貞珉

尹廷蘭字畹階歷城人乾隆甲午舉人官高唐學正有
華不注山房詩集

過故人山居

雞聲出谷口喬木帶山家村落霽春雨野風開杏花蝸廬
鰕菜飯石鼎棗芽茶愛爾田間味清談到日斜

贈董紅珊少府

毗陵名士董紅珊才薄朝廷幾蝨官作吏風塵高適晚題
詩衣綫孟郊寒由來韶濩知音少始信功名唾手難爲飽

侏儒一囊粟頭銜慙與故人看

游佛峪感懷林汲師

開皇千載後梵宇至今開仄徑穿雲入羣峯尾岱來秋陰
生大壑木葉下靈臺林汲泉邊過淒然奠一杯

高文照字潤中號東井武康人乾隆甲午舉人有東井

山人遺詩

詩話東井早擅詩名朱竹君督學皖江與黃仲則同
入幕襄校稱二才子數奇短命亦與仲則身世略同
所輯韻海入十餘卷及其他著錄歿後均爲族人子
散盡袁簡齋爲詩哭之云四十萬言書誦畢八千餘
紙手鈔忙不知一片心
頭血客邸誰收古錦囊

題杭太史堇浦世駿嶺南集

荔子蕉花國雷耕瘴母鄉山川閱秦漢草木管興亡集有
虞衡志歸無陸使裝空留佳句滿傳唱到珠孃

望黃龍洞擬游不果

玲瓏卞山麓奇絕在金井巖戶怪石函乖龍喚不醒清秋
斂雲霧迴望突高頂日暮足力疲去路愁耿耿夕陽澹鴉
背谷口送人影松子時一聞歸樵下西嶺

北湖

暎雲如粉雨如酥淄淄湖光浸綠蕪柳亞朱欄爭戲馬山
平畫檻喚提壺笙歌都入煙花記士女全披金粉圖合典
驪裘早行樂臨邛紅袖正當鑪

放櫂

臨風放櫂出菰城笊箸依然舴艋輕莎岸斜暉孤鳥去板
橋疏柳一蟬鳴鶻聲搖曳漁歌遠鷗夢生涼客思清領取
白蘋洲上路溪山如許戀吟情

鐵槍行

將軍之矛丈八尺，曠目當橋勇無敵。力士之錐百廿斤，大索十日虛無人。天生異人定自異，何物彥章憑壯氣。赤腳入棘不足神，手弄一槍等遊戲。由來槍利馬必驍，豈有巨馬三丈高。沙陀義子等閒耳，浪說使鐵如使篙。嗚呼豹死文章人，死節不在區區一塊鐵。

三至隨園呈袁簡齋先生

花未開殘酒尙香，人間彈指小滄桑。丹沙擲後都成壘，那得麻姑鬢不霜。

吳蘭庭字胥石歸安人，乾隆甲午舉人，有南雪草堂集。

韓信嶺

一徑走峻阪，崖壁若環衛。行行漸幽黯，如入永巷內。日御

歷綫天見午不見未亂山尠木石蠢蠢惟積塊堆阜忽俯
瞰突兀壓我背脈疏質已離砉然恐其墜勢險比巖牆疾
驅思縱轡卻怪繞馬首抗行斷復綴保無或偶然適與福
機會頗聞漢韓侯奮跡致高位一蹶中危法乃爲兒女賣
詎伊非英豪良由昧進退卽今弔荒冢行客發深慨懍懍
抱微軀羈孤彌自貴

雀鼠谷

土炕冷無煙夜分氣淒惻啟戶整行裝一庭霜月白跨馬
行數里依稀見曙色迤邐冠雀津夾立積鐵壁汾流出中
間束縛益蕩激閣道互崖半偃仄瞰不測前驅振金鈴後
騎躡其跡登降遞隱見不離一水側我生閱奇險劍棧曾
未識心揣將無同願步喪精魄造物何恢恢設此觀人力

古來幾雄才長驅遂奮戟廢興迭相倚所恃非阻阨行客
獨躊躇蹙蹙安所迫

過文石山房有感牧園先生

安昌絃管最風流池館荒涼幾度秋豈有虎賁憐北海空
餘馬策慟西州他年國士誰青眼此日書生已白頭瓠落
自慚知遇厚一尊重與酌松楸

徐元英字子干黃陂人乾隆甲午舉人有懷文堂詩集
別嚴十九赫庵

且住爲佳耳遲遲亦孔憂病憐妻子瘦貧累故人愁日落
江山靜天明水木秋鄉心與別意對酒總難酬

東羅莖九

關心去住感飛蓬澤國秋陰望不窮半樹水痕存岸柳一

林霜信到江楓天連夢渚遲歸鷓地接瀟湘響暮鳴惟有
羅含能好客淹留聊賦小山叢

送關密齋下揚州

一路江花送畫橈到來瓜步恰新潮吳娘曲裏瀟瀟雨知
在蕪城第幾橋

周錫渭字湜甫一字默耕號簪漁湘陰人乾隆甲午舉
人有志古齋詩鈔

武昌寄梁仲泉先生

新秋檐鵲曉窗譁玉宇西風漢使槎夏口濃雲晴繞郭南
樓明月夜生華域中耆舊仍三楚亭畔笙歌擁萬家十載
門牆重接席槐陰清映碧煙紗

鄂渚離心日夜潮故園歸路總迢迢經年客路三龍繞此

去扁舟一葉飄細雨黃陵漁火暗西風紫蓋雁聲遙臨歧
不盡楊朱感天宇秋清認斗杓

陸藝字正游號漱亭昆明人乾隆甲午舉人

卽景懷華五貽堂

江風吹月上松杪暗泉鳴鐙影凝寒重秋聲入戶輕倚欄
人萬里對酒夜三更隱隱西峯路曾經此送行

高嶢訪友和楊慕如韻

市隱何由遠俗喧欣隨勝友入仙源雲連樹色微分岸船
載波光直到門但有花時休罷酒得看山處且開樽年來
頗解幽居趣獨樂甯須司馬園

沈峻字存圃號丹厓天津人乾隆甲午副貢官吳川知

縣有欣遇齋集

和余慵樓送別原韻

陶令歸來自寡歡折腰豈必戀微官長貧并覺妻孥賤
遠別其如知己難絕域風霜臣節苦彤庭雨露主恩寬
他年天末重相見共話青鐙酒未闌

月夜舟中作

片月下高空江山露氣中村深明遠火秋老斷寒蟲
往事蘆中客新銜塞上翁夜闌搔首望星斗尙天東

西行雜感

太華西來翠浪過亂峰高處見黃河雲霾荒堡歸人少
風捲平沙落雁多身健卻逢憂患日秋悲況奈別離何
音書寥寂年光晚剩有豪情對叵羅

抵迪化作

尋河直到大荒流禹畫何曾盡九州瀚海幾程常載水龍
沙四月尙披裘山圍戍卒羈臣夢城擁風戈露雉秋聖世
籌邊逾漢代漫教定遠覓封侯

寒食日作

戲蝶輕鷗帶渚花扁舟杜老望京華春風無主還吹雪遷
客何心更問家深巷賣餠披曉霧青郊上塚簇香車只今
追憶韶光好倚杖柴門數暮鴉

孫玉庭字寄圃濟甯人乾隆乙未進士累官兩江總督
體仁閣大學士太子少保罷授編修重宴鹿鳴賜四

品頂戴有延釐堂詩集

詩話寄圃以廉介結主知嘉慶廿年英吉利入貢不
能行跪拜禮廷議以其倨強遣之睿皇不釋公適
述職京師以公嘗撫粵知外情召見垂問公面奏弓
身俯伏卽彼之免冠頓首不必責以中國儀文反復

開陳睿皇大悅其入觀之楚督任詩有敢謂識途
詢老馬之句卽指此事亦見當時通達外情之難能
矣

余性愛鞠衙齋隙地皆種之並多栽盆盎以待花時
玩賞比移官黔中猶攜數種以來惟衙署近山閒
庭褊小又爲荒池所占餘則枯竹數竿蕪蕪木石
而已無地可藝鞠也乃購瓦盆分植之惜其太少
又於荒地種荷以補其缺今小葉如錢已浮水面
徘徊吟望率成一章

茂叔蓮花子猷竹癖嗜由來性所獨高致更標栗里陶寒
香惟愛東籬菊隱逸人對隱逸花應知臭味相投速嗟余
遠宦廿年強老圃依然三徑荒移官到處求佳種瓦缶竹
籬綻晚霜黔中道險不可致猶攜數本來殊方衙齋苦嫌

隙地少小院西偏半池沼幾竿枯竹傍短牆數武荒渠雜
紅寥蓮香竹韻兩虛無芽分細雨及春杪纍纍益益列前
除也待花時媚霜曉况今廢沼種新荷小葉如錢已蘸波
窗前縱少娟娟淨雨後猶看冉冉多香清六月及秋晚畢
竟餐英人意遠得氣之秋我與同非關有意師肥遯時復
小步向閒庭四望雲煙生絕巘

余甲戌冬述職旋滇丙子春量移浙江夏五復擢楚
督尋入覲之任計兩年中行三萬餘里將至楚紀
以詩

晚歲頻爲萬里行滇黔吳越又蠻荆承恩半載連移節入
覲逾年兩到京敢謂識途詢老馬生慙遷木類新鶯漢皋
湘浦曾游地此日重來倍眼明

吳錫麒字聖徵號穀人錢塘人乾隆乙未進士改庶吉

士授編修歷官祭酒有有正味齋集

王揚甫曰穀人嘗自哀所著行於世世多推其驂體

之文而予所尤服膺者乃其入韻詩也穀人他詩靡

不工然生峭之音新情之色超逸之解以南宋金元

與漢魏六朝共鑪而治雖脫化幾變猶足以知其為

酒冷前輩流風獨於入韻詩則天發自解一洗萬古

真力彌滿先射命中洞入題勝橫生側附眾妙孕包

如青綠溪山未趨蒼古詩話舊制惟朝考御試館課用詩乾隆二十二年丁

丑易判表為五言八韻律詩士之習帖括者靡不孳

求聲病金兩叔侍郎今雨堂詩墨紀文達館課存稟

我法集尤有名文達又作唐人試律說選注庚辰集

以程法開示學者其後京師有九家詩之刻曰錢塘
吳錫麒穀人有正味齋曰長樂梁上國九三芝音閣
日蒙古法式善時帆存素堂曰長洲王芭孫揚甫芳
草堂曰南豐雷維霏筠軒知不足齋曰靈石何元根
硯農方雪齋曰江陰王蘇儕嬌桑寄生齋曰大庾李
如筠介夫蛾術齋曰靈石何道生蘭士雙藤書屋揚
甫各為之序目為試帖詩課合作法近云選賦得詩有
廣備題目近平類書有專講作法近平時文法庶子

刻同館試律無二者之弊而其書爲掌故設今刪取
三百篇別爲翰林賦得詩鈔道光壬辰裁眉張熙宇
玉田輯七家詩曰大典曰陽湖劉嗣緒醇甫尚綱堂曰
那精安貞修修竹齋曰蕪湖楊庚少白桐雲閣曰
整屋路德潤生裡花館曰蕪水陳沆秋舫簡學齋復有
塾後李家詩者桐雲簡學尚綱裡花澹香五家外錢
塘鄭城念橋胎經堂朱帶吉絳槎農菴書屋姚伊德
古芬環雲閣丁鉅式甫砥碧山房皆集同時
名輩所作此一代科場功令所關爲附著之

讀放翁集

鐵馬金戈夢不成
熏鑪茗椀寄餘情
蘇黃以外無其匹
梁益之間老此生
擊賊未忘垂釣日
臨終如唱渡河聲
長吟直與精靈接
千億梅花坐月明

九日登臨江亭

登高故事畏人誇
九日天涯又水涯
江影明邊初落雁
夕陽黃處獨看花
相思兄弟難成夢
如此亭臺不是家
輸與

沙鷗心跡好一汀秋色住蒹葭

釣臺謁嚴子陵祠

肥遯先生志祠堂重此州一星終古客落日大江流帝業
推銅馬閒身羨野鷗誰傳男子在徒枉故人求幣乃同湯
聘竿終笑呂投功名輕驥足風雨老羊裘癡甚貽書霸王
哉洗耳由耦耕仙侶共立傳逸民收我亦聞風起因來繫
榜游蒼蒼迷萬壑咄咄感千秋大樹凋名將雲臺失列侯
識誰陳赤伏亭已圯蕪蘘白髮看遺像青山有故邱幾家
綿子姓七里聚漁謳頑懦猶能激孤高不可儔惟應竹如
意遺響答峯頭

獅子林歌

雄雷震空六甲驅空青塞戶陰模糊卷毛談舌形狀殊逃

盡虎豹豺狼驅諦視細細蒼苔鋪伏而不動非石乎陡回
驚悸生歡娛洞天咫尺開仙都中不百畝蛇纒紆五里十
里盤崎嶇前之升者揉附塗以踵摩頂仰可呼忽然索之
又亡逋白日在空午欲晡翻身跳入壺公壺四壁翠灑松
雨灑松生石隙老更腴不階尺土元氣扶松耶石耶德不
孤石以松古青逼膚松以石怪垂龍胡天風來往調笙竽
滿身雲氣留斯須出門輿馬喧九衢胸中了了邱壑俱吁
嗟乎胸中了了邱壑俱千秋畫本思倪迂

白洋湖對月

午過桃源縣暮泊白洋湖月出水風外悄然帆影孤漁煙
澹無際遠夢生菰蘆飛鷓從西來松頂相驚呼驪龍起深
壑簸弄領下珠白光互凌亂眾星若亡逋陰寒交襲人熱

痲一箇無客船爭利涉我獨具酒壺荒波渺千里冥冥念前途

仲家淺

鳧雲吹欲落嶧雨晴不飛萬柳綠無次高低隱斜暉其上
仲子廟俯瞰漁家磯廟前曬破網牆上堆蓑衣卽是其子
姓百代猶相依慚予負米人輕自離庭闈願言訴懷抱不
見劍佩歸天暝水風大月上人影稀安得農丈人雞黍慰
我飢

題鄺湛若硯銘并洗硯池題字拓本

硯側鐫天風吹

明福洞主印今藏王蘭泉延尉處鄺露洗硯池在
粵東光孝寺翁覃溪學士使粵拓其字以歸與銘
合裝成

軸索題

君詩乃在瀟湘洞庭間嗁殘竹魄凋蘭顏乞歸一勺楚江

水手洗芙蓉不自閒此硯從君共往還此池流水日潺湲
海南遺字老風雨誰念畸人閱歷艱高莫高於鴉咋山遣
莫遠於鬼門關天令絕域顯文字銅柱細剔苔花斑壺笙
蘆管盡收拾記成赤雅誰能刪藍胡二月歌羣蠻彈娘妙
舞搖花鬢鸚之鶴之雙活眼見君手畫蛾眉鸞歸來抱琴
死忠義片石寂寞留人寰招君魂兮渺渺石有淚兮潛潛
雲車霧駕安能攀天風颯颯夜泉起明福洞邊聞珮環

文丞相琴歌

琴爲閩中何氏家藏上刻文山詩云松

璠琴遺世慮君恩猶恐壯懷消後題云時景炎元年蒙恩遣問召入夜宿清原寺感懷之作譜於琴中識之梁斯儀同年上國拓其文來示余爲作此歌

上絃謾謾松風鳴下絃汨汨乃作厓山之海聲當時一彈
再鼓處山石欲裂天爲驚永嘉道出清原寺雨黑燈昏不

成睡手揮行篋七條絃詩寫孤臣兩行淚泣山鬼兮雲沈
沈感君恩兮波深深哀哉丞相琴卽是丞相心慘羹尙記
板橋道麥飯誰哭冬青林景炎時事可知矣空抱壯懷猶
不已五坡嶺零丁洋可憐道路摧肝腸何如青原山中留
宿夜清商一曲龍吟長生在南天死北地流落孤琴舊時
字故友惟留玉帶生西臺已碎竹如意吁嗟乎壤漆淒涼
五百秋茫茫誰刺海濱舟高山流水臣心在尙欲黃冠故
國游

虎邱

虎氣消沈鶴市荒東風容易客迴腸貞娘墓上年年柳畫
了春愁畫夕陽

水閣家家風幔開畫闌曲折粉塘迴冶香輕似落花過快

鷓鴣如飛燕來

看紅看白數花枝傳唱朱翁樂府詞一半櫻桃一半筍送
春天氣不多時

古北口迤南一帶羣山秀峙松栝特盛

我行趨而東朝暉射我西羣峯側面出雲氣高不低其下
覆松栝寒重翠屢迷殘雪時一片皎若孤鶴棲茅屋四五
家樵汲相提攜風吹斧聲墮林束炊煙齊不謂塞上山有
此物外蹊冥冥若相繫跡往神爲稽

自馬圈子至常山峪

地險不可越客情悄然孤矧復此螺殼輾轉相縈紆兩巖
束之窘陰憂慘粟膚疑經太古來寒氣尙未蘇長風石脇
破白日烏尾逋足攝鼉鼉駕心駭神鬼驅下者所欲登但

聞絕頂呼進退難預謀得上爭須臾樓臺現縹緲星斗捫
虛無鞍馬且將息前途仗撐扶僕夫吻更渴急畀村酒沽
徐如澍字春颿號雨芑銅仁人乾隆乙未進士改庶吉

士授編修歷官通政司副使

詩話乾隆季年致齋秉政京朝官多阿附之獨雨芑
及遵義徐立亭觀察準與之忤臺官見致齋或拜跪
立亭正色曰此非我曹儀注何卑屈至此
致齋聞而銜之一時輦下稱貴州二徐

費改齋除銅仁邑下問方宜詩以代答

問俗湖南似勞形案牘刪江喧村市近花放訟庭閒試茗
能消渴煨諸說駐顏樹光相映發人在翠微間
飯煮長腰米盤堆赤甲蔬年豐庖有肉客至釜烹魚野店
茅柴酒人家種樹書循聲容易致民是葛天初

沈石田小景畫卷爲玉亭丈題

幾疊青巒幾曲溪參差竹屋曉煙齊春光應憶江南好樹
樹流鶯自在嘯

盧遂字易良號霽源侯官人乾隆乙未進士改庶吉士

授編修有四留堂詩集

詩話霽漁十三卽能詩一年成一集
得詩四萬餘篇什之富一時無兩

竹崎阻風

故里何曾遠南風不放行夢依雲外樹家在雨邊城今昔
悲重宿艱難剩一程蕭蕭歸雁晚又作異鄉聲

邱原午泊

殘溜聲聲水竹西荒村日午數雞嘯舟橫古渡無人處一
樹野桃開碧溪

范來宗字翰尊號芝巖吳縣人乾隆乙未進士改庶吉

士授編修有洽園詩藁

詩話芝巖爲文正公二十三世孫中年通籍以養親乞歸董理義莊增田千八百畝家世遺蹟搜羅寶守文正公與尹師魯二劄舊藏宗子家西陂以爲贗木後遭火燬而真蹟爲芝巖甥張蒔塘大令所得奉以求歸芝巖賦詩紀其事年

至大臺嘉慶間重游泮水

澗上草堂
無復遺民在空存舊草堂
牆故蝸有跡桂老蠹無香
澹墨供揮灑清風動激揚
何來相訪者惆悵立斜陽

竹塢弔文文肅公

威鳳爲儀四海知
故山何事久棲遲
吳中鱸膾秋風日
朝內貂璫毒燄時
再出已看殘局換
放歸無復賜環期
最憐兩月綸扉直
疑謗交乘未措施

曹錫齡字定軒汾陽人乾隆乙未進士官御史

烏嘸曲爲烈婦棟鄂氏作

烏嘸夜半山石裂白楊風緊愁雲結冰蠶淒斷五十絃一
曲離鸞淚成血女蘿菟絲木相附旣不同衾當同穴白骨
長埋冬嶺松青山共對秋墳月人生百年會有盡彈指流
光何飄瞥惟有堅貞一片心地老天荒終不滅明詩習禮
本高門取義成仁自奇節幽阡歲歲長苔花不蝕生金三
尺碣

李廷敬字味莊滄州人乾隆乙未進士歷官蘇松太道
有平遠山房詩鈔

渡江至京口曉泊

練影橫江日上初風帆一霎入南徐東來萬馬潮方急西
去千峯畫不如估客檣橈紛聚蟻梵王宮殿半淩虛登高

懷遠情何極六代江山一筍輿

九日同隨軒兄登九成臺有懷渭崖兄曉峯弟

嶺南九月紙鷲飛落帽風輕暑氣微海舶春槽橙釀酒山
猿秋雨荔爲衣千年歌舞餘荒微萬里關山共落暉望斷
天涯音問隔武夷險絕鯉魚稀

弋陽苦雨

水驛蕭騷百感生維舟野戍聽雞鳴愁時最怯芭蕉雨夜
夜孤篷作此聲

汪如藻字彥孫又字鹿園秀水人乾隆乙未進士歷官
山東糧儲道有經進詩藁

下第後侍家大人歸里多石叔有感賦一律卽次原
韻

兩年失意兼貧病，旅況淒涼十倍加。
形影相憐誰浩歎，風塵久駐易思家。
棲身那覓數椽屋，放眼且看幾樹花。
三伏高樓何以過，湘簾權耐暑風遮。

雨簸風顛記驛程，此心翻羨去帆輕。
榮枯自昔關才命，冷熱田來本性情。
回首雲山成獨感，到家骨肉喜重生。
么荷髡柳尋常興，笑對芳池詠濯纓。

李蘧字衛多號社亭寶豐人乾隆乙未進士授吏部主事
歷官江西督糧道

秋日重游山寺

重到叢祠裏，于今九載過。
悲風來古木，頽殿倚新蘿。
村落看仍似，兒童認半訛。
西山千萬疊，依舊夕陽多。

王念孫字懷祖號石暉高郵人乾隆乙未進士歷官直

隸永定河道罷重宴鹿鳴賜四品銜有丁亥詩鈔

詩話石雁潭研樸學體大思精校理經史羣書博證
審擇會通貫串衷衆說而求一是在國朝諸大師中
自立一宗文簡繼之其所撰述沾溉百年不盡會文
正聖哲畫象以石雁潭父子殿焉其推崇至矣詩乃餘
事次子敬之寬甫錄存丁亥詩鈔爲乾隆三十二年
是歲石雁潭年二十四寬甫並述平日論詩謂古體當
以漢魏六朝爲宗近體則當法盛唐宋人詩佳處得
力於唐人而新其壁壘不可轉襲其貌世徒嗤明七
子爲優孟衣冠不知去唐學宋又出七子之下蓋於
詩亦深入闡奧故其所作正聲高格卓然大雅殊不
讓專家也

空翠亭

我游空翠亭遂躡空翠窟仄處迷向背晝光寒不入高壁
散長風到面作飛雪積陰帶江聲冷中石骨裂鉤絡枯藤
幽剝啄古扉缺虛寺鐘一聲客魂墮寥泲沈塵氛此俱隔惟
有仙氣結願得託茅茨終焉養疏拙

河間道中遇雷雨作

連山走雲氣掣電相追飛
風吹白草短雨捲黃埃來
霹靂迸我前嗟峨爲之隳
驅車石梁下恂怳精魄迷
漠漠關神鬼慘慘橫蛟螭
騰翻曜躔圻陟落銀潢低
蒼昊不可仰孤光激輪躑
百谷同一聲下上爭喧歷
移時吐羲魄斜曛暄溼衣
長虹馳遠景飛挂荒城西
行行日已莫僕馬同疲飢
謝爾朱門子高堂戒勿垂

偕任子田游東阿山中

出郭眇遙岑極目暖蔥蒨
跼步陟崇岡幽境齊所願
捫蘿俯翳屏披榛詫凌亂
觸穴發殊響心寂乃能辨
林密天光微徑轉石狀變
落日映前峯後顧采逾絢
夕靄薄空翠勢與飛鳥散
緬想臨淄侯靈躅留山縣
才于尋舊谿臨風一

長歎

晚泊湖口

落日澹湖津，遠水平於掌。
雲間萬樹浮，天末孤煙上。
靡靡渚花靜，摵摵蒹葭響。
空翠漾我舟，川光夕晃漾。
遇物聊自適，地僻任俯仰。
清風左右來，習習形神爽。
浩歌酌餘霞，曲盡延幽賞。
睇彼孤雁飛，獨掠平蕪往。

顧宗泰字景嶽號星橋元和人乾隆乙未進士歷官高州知府有月滿樓詩集

寒山趙凡夫故居今爲法螺諸寺

路與樵人爭，深入寒山曲。
緬維小宛堂，曾駐高人躅。
邱壑構天然，秀野遶塵俗。
露滴疏花紅，煙寒芳草綠。
中藏一徑幽，曲似仙源復。
隱君此嘯歌，結廬俯蒼麓。
巖間閱寒泉，雪

花滿空谷冷光動翠微疏響激幽瀑勝地歸禪宮到今仰
蓮軸夕陽孤磬聞歸僧入雲竹

江上漁父詞

疏雲漏微雨方霽月已白垂竿夕未歸獨坐忘機客斜看
孤鷺飛點破遙江碧

眺鍾山

東接青龍北雉亭鍾山山勢鬱崢嶸誌公舊塔頽雲繞蔣
尉荒祠夕照橫天外一江分極浦煙中萬井入寒城竭來
更上栽松峴無限蒼涼六代情

登閩風閣訪蔣偕公道士不值

拄杖偏宜最上頭羽人何處訪丹邱四山春雨空侵牖終
日奇雲不去樓欲與黃庭參內景誰將紫字寫靈修古藤

花發烹泉水綠結煙霞擬再游

題張瘦銅同年梅花冊

去年梅花開籃輿過西磧今年梅花開人在長安陌江南
江北阻幽期安得一枝寄遠驛瘦銅示我青厓圖使我逸
興飛五湖空濛香氣滿邱壑此花此筆燕山無人生何爲
滯京洛故園風景殊不惡嫩寒天氣疎雪晴小橋修竹清
溪鶴獨來花下撚鬚吟飛飛玉蝶穿雲深春風得意不可
狀若有仙人招我空山岑題君圖卷與君約有詩有酒須
商權銅坑銅井他日游兩人索笑梅花角

汪輝祖字煥曾號龍莊蕭山人乾隆乙未進士官甯遠

知縣

詩話龍莊孤母王生母徐教之成立世稱雙節堂
初佐幕治官書撰佐治藥言及通籍作宰多惠政尤

長於斷獄撰學治臆說又有病榻夢痕錄則告歸後
追述在官時事而作慈祥性烈世傳爲治譜筆精乙
部元史尤所致力撰木證五十卷他
所著述二百數十卷彙本未盡刻行

昔有詩二章示二子

昔有兩間屋晨听西夕照長夏苦炎威炊煙雜茶竈我依
二母居一經課後效牀前書几陳蚊蚋常繚繞攤書紡車
旁形影互相弔庭闈樂復樂寬窄那計較卽今擴新居高
爽向南曜雖殊廣廈觀幸免偪仄詎是處可延佇堂繆隨
所到誰云熱難避廢書日坐嘯古賢容膝安努力事讎校
昔有一束書無多手澤在雒誦功易殫文章溯流派一瓶
偶借人何處得津逮勤勤剋期鈔腕脫敢云憊一隅以三
反周行問向背揣摩顛且精倅邀葑菲采卽今萬牙籤經
史頗萃薈餘力羅百家編輯及細碎愛博情轉疏讀多不

求解譬如寶山回空手徒自慨古賢惜分陰青春可能再
趙鈞彤字絜平號澹園萊陽人乾隆乙未進士官唐山
知縣有止止軒橐

辛卯十月歸次澹山鋪

墨王亭畔荻蘆刪放眼湖天曠莽間漁艇遠橫衰草岸人
家低占夕陽山殘香寂寂荷千頃秋色年年柳幾彎卻歎
征車待明發故園空得暫時還

卒戍發伊犁東歸

萋萋塞外草寒沙無深根加以牛羊踐重以烈火焚一冬
久不死復與春風新春風自皇都萬里釋逋臣東向再拜
起欲語聲且吞不知當何爲但有涕淚紛上堂交簿書元
戎勞語溫下堂解佩刀長揖辭官軍自惟多疾躬赦宥邀

殊恩所愧犬馬齒十無二三存豈復及鞭策但得長苦辛
生少南山田田死沒東海濤

周錫溥字半帆湘陰人乾隆乙未進士官甯朔知縣有

安愚齋集

詩話半帆少厥俗學成進士歸益肆力於詩古文詞
及官甯朔驅車塞上西北至阿爾都東南至鄂爾多
斯凡邊庭所見
皆紀之以詩

望紫霄峯作

仙宮霧雨春冥冥電影欲掣雷車轟真武真人玉鬚纓空
中丹劍鏗有聲手縮神圖太乙經攝御百怪祛三彭空山
枸杞夜吠鳴不但河車之紫英我來均口眺崢嶸三十六
巖青繞城望不能至心歎驚少時學道已粗成偶然積夢
通廣庭羣官召草新宮銘綺語未盡千劫更忽忽一墮隨

飛星試將尺宅理榛荆伐毛一洗凡骨腥問神何由息我
鯨舉酒一醉青山青

武昌遣興

長笛吹殘鬢有絲十年疏影漢南枝酒醒峽口聞猿處秋
老黃州夢鶴時細雨始知江路永西風不覺客帆遲次山
亭畔寒谿近便擬拈椎問導師

承天寺西夏斷碑歌

藝祖首除藩鎮強虎符合豹中樞藏降王爭執仗下挺述
寇未下河西羌夏州保忠族內附繼遷假息招叛亡地不
過漢一大郡折箠笞之如犬羊誰遣輿瓢自剖裂坐使神
器成玃玃獨能二百六十載峙夷夏爲雄方先時鬼理
慕華俗窄衣野戰歌慨慷文思起草學士院兀卒署字藩

臣章九經旣頌科目建頗革鴟響摹鸞鳳春秋叛人例不
舉左右記注無賢良至今草木盡頑獷遮迥但見黃雲長
承天蘭若亦傾圯有石斑駁螭首僵圖書灰滅此獨在有
似任侏登明堂惜哉神靈失呵護剝落不足搨硬黃向來
郡志已訛闕何況經今數十霜攤書布席就讐校強測黜
黜推偏旁一碑天祐十數字攝提歲月俱渺茫一碑天慶
刊者半撰記略識羊與張銀棺舍利瘞幽閣令我循誦生
感愴百年殺人若糜沸八功德水誰乞將然猶以此誇種
落稱壽母后諛今皇南渡宋亦小朝耳山河牛角汴入杭
獨留一碑笑千古元祐黨籍書奸獍伊川披髮有先兆儒
墨異術固秕糠國家有道四夷守文字要以扶人綱如此
斷跌何足惜覽古一嘯西風長

錢武肅王鐵券歌

文皇鑑人如鑑容，凌煙懸照真鸞龍。圖成二十三將相，爵
止寶戶圭桓躬。後來漸有鐵券賜，制沿開國增侈豐。乾元
寶應上尊號，其時始莫京。西東汾陽臨淮兩勳德，手柱天
闕天襄崇朝廷。恩倖不可數，雁門河中俱內訌。反者輒賜
賜者減一券，何止叢百凶。僖昭以後賞尤濫，奴豎脅主如
兒童。餅師階寵藉阿父，行瑜怙亂夷其宗。朱梁事往憤填
臆，先時帶礪河山重。篡臣百死豈足贖，貽臭鑛鏃災鎗銅。
吳越故家有錢氏，簪履百代餘。祖風圖示乾甯舊，時物金
版玉冊光燭空。想見當年提一旅，毳馬玉帶真英雄。卯金
折脰妖鳥殪，潮迴羅刹如奔蜂。惜哉生值唐末造，掃櫬落
葦無強弓。麋豨偃息待真主，天運有屬人謀窮。古來虧盈

著深誠煌煌謝表存謙冲日慎一日教孫子敢恃八議撓
至公不然唐陵宋宮闕門牡冶鏞飛無蹤千秋彝器此傳
在發洩豈不闕鴻濛海門綠淨山乳碧尙憶保障先臣功
勤思忠孝慎守寶家乘美溢古鼎鐘嗟我豈無屈鐵筆抖
擻老力愁孱慵締細展玩再三歎鑄鑱金石難爲工

朱恆慶字念占號椿塘天津人乾隆乙未進士官安塞
知縣

夜坐

飲罷覺微醺清吟入夜分花蘇三徑雨月破一層雲老樹
生虛籟蒼苔篆綠紋落梅何處笛幽咽隔牆聞

蔣知讓字師退鉛山人乾隆丙申召試舉人官唐縣知
縣有妙吉祥室詩鈔

聞秋竹兄客奉天

萬古興龍地孤身跋馬游
鬱蔥瞻氣象懷抱失牢愁
長揖將軍客高歌勅勒秋
平安容易報七十五官郵

悼庭樸

百歲中庭樸驚看綠蔭疎
蚪枝墮微雨蟲蛻積平除
稱汝婆娑意惟余寂莫居
高門種槐柳他日復何如

湯山

大湯山傍離宮起小湯山卧離宮
裏湯泉湯湯兩山邊漫
山竹柏籠御煙方池金螿鎖
謬室餘波玉沼生臺蓮嚴霜
已逼行客噤殘葩尙奪官妝
妍翠華不到今幾載膏腴澤
徧環山田我昨歇鞍泉上坐
不得一滴塵土涓驪山夜月
憶舊游廿載恩恩春夢破那
知羽衛司掖門中有煙火神

仙孫名姓纔通啞然笑兩家交道千秋存爲言此地原荒
址仁廟中年乃經始畫苑名家焦若眞圖進新宮易數紙
從茲瓊液涵恩波山靈擁戴泉龍喜吁嗟乎水性皆冷泉
獨溫舊聞源出丹砂根潛滋動植不灼爛元冥之德如其
仁解衣笑就通流浴飽飲止愁徒滿腹那須漱咽養寸田
已勝河車傾萬斛官槐黃落秋向殘轉眼大地冰闌干我
思挹注挽斗柄盡回天下三冬寒

殷希文字憲之號蘭亭天津人舉人官長治知縣有和
樂堂詩鈔

送客

行雲有時歇行客無計留殷勤一樽酒試爲緩雙軻雙軻
雖暫緩歸思不可挽揮手沈醉中望望車輪轉

草堂漫興

庾園雖小足相羊
榮辱何關一草堂
裘馬五陵空自豔
菊松三徑未全荒
雨窗酌酒杯還潤
花檻題詩句亦香
更有南華供細讀
逍遙游擬學蒙莊

鍾廷璜字退軒
歷城人舉人官
鄆縣知縣有退
軒詩鈔
駐馬河早發

維舟未成夢挂席
復東驚咿喔汝南
雞微茫歷陽樹
疏鐘猶殷牀
殘月不開霧行矣
廣陵城爲君醉春露

江行

清溪新漲綠彎環
溪上人家晝掩關
投曉挂帆風力穩
推窗先看九華山

宋鳴璜字孫侶
奉新人舉人官
鄆陽教諭有味
經堂存

稟

羅雨峯至都周駕堂編修爲招諸同人小飲寓齋雨
峯做李龍眠西園雅集圖卽席分賦得五古轉韻

體

木落天微風蟬鳴客紛集秋窗面面做看秋如不及不必
山與水豈在竹與絲言追碧筒飲對把青荷枝荷枝青未
了秋色盈襟抱譬彼清冷泉一酌令心好廣庭日西斜籬
落飄秋花花光秋之外詩思天之涯詩來不知處宛轉花
間路脫我華陽巾挂之千歲樹有客筆如椽蒼蒼揮暮煙
圖成看小李飲中歌八仙酒酣客快意起舞花垂地松上
微月生秋天轉無際

薛稻孫字漢澳蒼溪人舉人有釣雲軒詩鈔

春日宿田家

泥塗歲序劇駸駸
煙火蓬茅養道心
護鴨船圍新柳港
放牛人去小桃林
盈前社酒遭田父
短後征衣怪野禽
對此蕭然名利淡
一蓑一笠勝朝簪

詠史

獻瑞廷陳九穗禾
騁懷八極駕黿鼉
纔陳角觝魚龍戲
又唱宏農得寶歌
自在橐籥飛五鳳
前行簫鼓擁千駝
時巡合有天書降
玉檢金繩代不磨

熊館誰爭諫
獵書幽風罷
進授時圖
民心自怨
崔成甫
天意終憐鄭
介夫構巧
神仙愁出
入技精
草木解歌
呼江南
爾汝歌
偏好長
勸君王
醉玉壺

衝冠一怒便揚兵
鼓竭秋風馬倦鳴
收骨二陵非死所
藏

身三窟豈行成單于自款居延塞老將甯貪石堡城不信
遐荒眞異類兩階干羽有苗平

袁文典字儀雅保山人舉人有陶村詩選

將出都門留別同人

殘夢千山亂浮雲萬里愁客中還送別病裏又驚秋書劍
空蕭瑟鴻魚久滯留京華豈不戀輸與故人游

晚晴移詩匯卷九十六終